

Մանցական

ՀԱՅԿԱԿԱՆ ՊԵՂՈՒՄՆԵՐ ՍԵՎԱՆԻ ԼՃԻ ՑԱՄԱՔԱԾ ՏԵՐԻՏՈՐԻԱՅՈՒՄ

1951 թ. հոկտեմբերին Նոր Բայազետի շրջանի Մուխան գյուղից երկու կիլոմետր դեպի հյուսիս լճի հետ քաշված հրվանդանաձև մի տարածության վրա, որն ունի 5000 մ. լայնություն և 200 մ. երկարություն, հայտնաբերվեցին մեծ թվով դամբարաններ։ Իրենց արտաքին տեսքով երևա հիմնական խմբերի բաժանվող այս դամբարանները դոգավոր հրվանդանի վրա դասավորված են երեք տարբեր տեղերում։

Քարարկղային խմբին պատկանող դամբարաններից յուրաքանչյուրն ունի կանոնավոր անկյուններով՝ կողքերից 2—4, իսկ ճակատներից մեկական քարերից շարված պատեր, որոնց ծածկի քարերն ալծմ չկան։ Քարարկղներն ունեն մեկ մետր 80 սմ-ից մինչև երկու մետր 80 սմ. երկարություն, 80 սմ-ից մինչև մեկ և կես մետր լայնություն և 45 սմ-ից մինչև մեկ մետր խորություն։ Դամբարանները մեծ մասամբ ուղղված են հյուսիս-արևելքից հարավ-արևմուտք։ Մյուսն է մի մասը լրիվ, մյուս մասը կիսով չափ լցված են հողով։ Բոլոր դամբարանները կրապատված են հաստ ու ամուր շերտով։ Կրային կարծր շերտի տակ բացվում է ավաղի շերտ, իսկ վերջինիս տակ գերեզմանների հատակին՝ սև հողի շերտ, որի մեջ կատարվել է թաղումը։ Տասն և յոթ դամբարաններից բաղկացած քարարկղների ամենամեծ խումբը դասավորված է երկու զուգահեռ շարքերով, իսկ սրանցից 50 մետր հյուսիս և 100 մետր հարավ գտնվող քարարկղների մյուս խմբերը դասավորություն չունեն, խառն են։

Քարարկղների հարավային խումբը կենտրոնում գտնվող դամբարաններից բաժանվում է արևելքից արևմուտք ուղղված բարձր և երկար մեծ թմբով, որը հավանաբար առաջացել է աշտեղ եղած նախկին պարսպի հիմքի մնացորդներից։

Դամբարանների երկրորդ խումբը՝ կրոմլեխները գտնվում են լճի եզերքից 20 մետր, իսկ նախկին ափից՝ 500 մետր հեռավորության վրա։ Կրոմլեխները դասավորված են հարավ-արևելքից հյուսիս-արևմուտք ձգվող մեկ ուղիղ գծի վրա։ Սրանցից երեքը ղեկս գտնվում էին ջրի տակ, իսկ մեկը կիսով չափ էր ազատվել ջրից։

Կրոմլեխները միմյանցից 1—4 մետր հեռավորության վրա են գտնվում։ Սրանք ունեն տարբեր մեծության շրջաններ (2—5 մետր), որոնց պատերը շրջապատից բարձր են 20—40 սմ-ով։ Ջրի տակից դուրս եկած կրոմլեխների թիվը մեր ստուգման ժամանակ հասնում էր 13-ի։ Դամբարանների 3-րդ խմբի մեջ մտնում են, ճիշտ է թվով քիչ, բայց ժամանակաշրջանով ավելի հին կուրգանները։ Կուրգանային ռուղերը դասավորված են քարարկղների և կրոմլեխների արանքում, բայց ավելի մոտ կրոմլեխներին։ Հրվանդանի վրա ստուգման ժամանակ կար ընդամենը չորս կուրգան։


Վերոհիշյալ դամբարաններից 300 մետր դեպի հարավ, դարձյալ լճի ցամաքած տարածության վրա, այս ու այնտեղ երևում են շենքերի պատերի մնացորդներ, իսկ մեկ տեղ շարվածքը պահպանված է ավելի քան 10 մետր երկարությամբ և 1,5 մետր լայնությամբ։ Պատը ձգվում է լճից դեպի ցամաք։ Սա նույնպես նման է պարսպի պատի մնացորդի։

* *

Քարարկղային խմբին պատկանող անվնաս մնացած դամբարաններից պեղել ենք միայն մեկը, իսկ մասամբ կամ կիսով չափ ավերված հինգ դամբարաններից՝ երեքը¹։

1 Դամբարանների ամենամեծ խումբը պատկանում է քարարկղների սիստեմին, որոնք տեղավորված են հյուսիսից հարավ ուղղված գծի վրա երեք տեղով։ Սրանք բացվել են լճի 100—150 մետր հեռավորության հետո։

2 1951 թվականի հունիսին Մուխան գյուղի բնակիչներ Լևոն Սահակյանը, Սուրեն Շեդյանը, Միհրան Թափրոշյանը, նկատելով լճի ցամաքած տարածության վրա երևացող, իրենց համար անսովոր կառուցվածքներ, պայթեցնում են առաջին պատահած դամբարանը։



Պեղված դամբարանների սրբից գտնված իրեղենները բիշ են, բայց դրանց մեջ կան այն-
պիսիները, որոնց հիման վրա կարելի է ճշտել դամբարանների հնությունը և որոշ հարցեր:

Այս տեսակետից ուշադրով են 3-րդ կիսավեր դամբարանում կատարված ստուգողական
պեղումները: Դամբարանը վերջնականապես հողից ազատելուց հետո պարզվեց, որ այնտեղ
միացել էր հսկայական մարդու կմախք: Դամբարանն ուղղված էր հյուսիս-արևելքից, հարավ-
արևմուտք, ուներ 2 մետր երկարություն, 1,1 մետր լայնություն և 74 սմ. խորություն:

Դամբարանի կենտրոնում գտնվող երկու կմախքներից մեկը պահպանված էր աջ, մյուսը՝
ձախ կողմի վրա, ոտները և թևերը կուշ բերած դրությամբ: Այստեղ թաղված երրորդ մարդու ոս-
կորները բացվեցին կենտրոնում գտնվող զույգի ոտների կողմում, պազած դրությամբ: Եթե
հիմք բնորոշենք էկոն Սահակյանի բացատրությունը, նա այս դամբարանից հանել է հսկայական
մարդու գանգեր: Նշանակում է այստեղ թաղված են եղել 7 մարդ:

Բացի մարդկանց ոսկորներից, այստեղ գտնվեցին նաև ոչխարի երկու տարեր գանգերի
կտորներ և դրանց ոտների վերջավորությունները:

Պահպանված ննջեցյալների մոտ գրված էր երկուական, իսկ պազածի մոտ՝ երեք կավա-
ման: Այնտեղում պահպանված կմախքներից յուրաքանչյուրի թևերի ոսկորների մոտ գտնե-
վեցին մեկական ապարանջան (տախտակ N° 2, նկ. 2 և տախտակ N° 3, նկ. 4)² ձախ կողմին
պահպանված պարանոցի մոտից՝ ազաթից 13 ուլունքներ (լուսանկար N° 1, նկ. 6), իսկ աջ
կողմին պահպանված ոտների արանքում սեղմված էր երկաթե մի դաշույն (տախտակ N° 1,
նկ. 8):



Լուսանկար 2

Հարկ համարեցինք վերջնականապես մաքրել նաև չորրորդ և հինգերորդ կիսավեր դամ-
բարանները: Չորրորդ դամբարանում գտնվեցին մի բանի ուլունքներ և կտրտված ամանի

բաժնի: Պայթեցված դամբարանի մեջ ըստ Սահակյանի՝ եղել է չորս մարդու կմախք: Այս-
տեղ գտնվել են կավամանների կտորներ, բրոնզե ապարանջաններ և մեծ քանակությամբ
ուլունքներ: Օգտվելով իրենց համար անսպասելի արդյունքներից, հաջորդ օրը նրանք
պայթեցրեցին նաև չորս դամբարան: Ավերված դամբարանների ժամանակը որոշելու
նպատակով մաքրեցինք դրանցից երեքը և համարակալեցինք բոլոր հինգ դամբարանները
բոլոր դրանց դասավորման հերթականությամբ, իսկ մեր պեղած անմնաս դամբարանը հա-
մարակալեցինք որպես N° 1:

1 Ննջեցյալների հետ կենդանիների վերջավորությունները դամբարան գնելու սու-
վորույթը կապված է մադիայի հետ, որը առաջին հազարամյակի առաջին կեսերին (մ. թ.
ա.) տարածված էր թե՛ Հայաստանում և թե՛ նրա սահմաններից դուրս:

2 Դիակարները կատարել է թանգարանի նկարիչ Առաքել Պատրիկը, իսկ լուսա-
նկարները՝ Պոլոս Գրիգորյանը:

կտորներ, իսկ հինգերորդ դամբարանում բացվեց բանդակազարդ մեկ կովկիթ, գտնվեցին բրոնզե մեկ ապարանջան (տախտակ № 3, նկ. 5) և մի բանի հատ սարդիոնե զնդաձև ու տափակ ուլունքներ (լուսանկար № 1, նկ. 5)։

Անվնաս մնացած դամբարաններից մեր պեղածը ունեւ 2,45 մետր երկարություն, 1 մետր լայնություն և 87 սմ. խորություն։ Դա ուղղված էր հյուսիս-արևելքից հարավ-արևմուտք, հողով լցված էր լրիվ, ծածկի բար շունքով (լուսանկար № 2-ում ցույց է տրված առաջին դամբարանը, պեղելուց առաջ)։

Առաջին դամբարանում թաղված էր 4 մարդ։ Հյուսիսային անկյունում պաղած վիճակում դրված էր երկու մարդու կմախք՝ թևերը ծալած, բուռն ցանցերը դեպի ծնոտները. երրորդ կմախքը գանգոսկրի մնացորդների հետ բացվեց դամբարանի արևելյան անկյունում։ Ոսկորների վատ պահպանվածության պատճառով թաղման ձևը որոշել հնարավոր չեղավ։

Չորրորդ կմախքը գանգի մի մասի հետ գտնվեց դամբարանի կենտրոնում։ Թաղված էր ձախ կողքի վրա՝ գլխով հարավ-արևմուտք, ոտները և թևերը կծկված դրությամբ. մեջքին ունեցել է բրոնզե գոտի, որն ամբողջապես բայթալված էր։ Սրա թևերի ոսկորներից յուրաքանչյուրի վրա կար բրոնզե մեկական ապարանջան, իսկ աջ ձեռքի մատներից մեկի ոսկորի վրա հագցրած էր ծարիրն ուրու ձողից պատրաստած մեկ մատանի։ Ննջեցյալի պարանոցը և դաստակները զարդարված են եղել տարբեր տեսակի ուլունքների շարաններով։ Պարանոցի մոտից հավաքեցինք ոսկու նուրբ թիթեղից պատրաստած մի բանի ուլունքների կտորներ. լավ պահպանված վիճակում գտնվեց մեկ հատ կաղինի (տխիլ) հատիկ։ Հյուսիս-արևմտյան պատի մոտ գտնվեցին բրոնզե նետերի հինգ սլաքներ։ Արևելյան անկյունում թաղվածի մոտից հավաքեցինք մի բանի ուլունքներ (լուսանկար № 1, նկ. 3)։

Վերևում ցույց տրված դամբարանների երրորդ խմբի մեջ մտնող կուրգաններից փորձեցինք պեղել մեկը, որի մոտ գտնվում էր հետ բաշված Սեանի լճի ջրերից մնացած մի փոքրիկ լճակ։ Կուրգանային բուրդն ունեւ մեծ և փոքր բարերից կազմված մեկ մետր հաստությամբ շերտ, որը գտնվում է լճի նախկին եզերքից 450 մետր դեպի խորքը։ Կուրգանն իր վրա ունեւ կրապատ բարակ զրահ, որը ջարդելը մեծ ջանքեր չպահանջեց, բայց մնացած բարակղևերը պրապատված էին շուրջ 20 սմ. հաստությամբ ամուր շերտով։ Կուրգանի վրայից բարերի երկու շերտը հեռացնելուց հետո բացվեց սև գույնի ցեխաշերտ՝ 60 սմ հաստությամբ, իսկ սրտակ բացվեց բոլորովին սպիտակ հողի մի նոր ցեխաշերտ, որը շարունակում էր իջնել ավելի խոր։ Մեկ և կես մետր խորացնելուց հետո կուրգանի վրա բացված փոսը ջրով լցվեց, որի հետևանքով զաղարեցվեց աշխատանքը։

Հաշվի առնելով ստեղծված զովարությունը, հրաժարվեցինք նաև կրումելիները պեղելու մտքից, բանի որ վերջիններս գտնվում էին լճի ջրին ավելի մոտ։

Պեղումների ընթացքում երևան հանված իրերը հիմնականում կարելի է բաժանել երեք խմբի՝ ա) կավամաններ (կերամիկա), բ) զենքեր, գ) արդուզարդի պարագաներ։

Կերամիկայի բնորոշ նմուշներից են՝ փարչ սև գույնի. ունի 23 սմ. բարձրություն, բերանի տրամագիծը՝ 12 սմ. է, իրանի ամենալայն մասի տրամագիծը՝ 15 սմ. ունի մեկ կոպիտ պատրաստված փոքր կանթ, գծազարդ է կանթի մոտ, պատրաստված է ձեռքով, լավ շմաղած կավահողից, գտնված է առաջին դամբարանում (լուսանկար № 3)։

Նույնանման փարչ ժակ դը Մորգանը գտել է Մուաի-Սրում։ Մորգանը իր գտած փարչը նմանեցնում է այժմ գործածվող անկանթ ապակե բաժակներին։ Թվում է, թե այս կավամանն օգտագործված պետք է լինի որպես հեղուկներ շափելու աման։

Կերամիկայի խմբի բնորոշ առարկաներից մեկն էլ № 4 լուսանկարում ցույց տրված կճուճի կեսն է, որի իրանի ամենալայն մասում եղել է երկու կանթ՝ որպես կրակի վրա կախելու հարմարանք։ Ամանը գծազարդ է, առանձնահատկություններից մեկն էլ այն է, որ

¹ Ինչպես այս, այնպես էլ բարարկային խմբին պատկանող բոլոր դամբարանների շարքերի բարերն այժմ գտնվում են զետնի երեսին դուրս ցցված դրությամբ, բայց, ինչպես առհասարակ բոլոր դամբարանները, շարքի բարերը, այնպես էլ սրանք թաղման ժամանակ գտնվել են զետնի կտրվածքի մեջ։ Իսրայելի բնթաղքում ջրի այլաբերը ողողելով թշն տարել են ոչ միայն դամբարանների շրջապատի փխրուն հողը, այլև սրանցից շատերի ծածկի բարերը, որոնք դամբարանների շրջապատում բնկած են զետնի զետնի

² J. de Morgan, Mission Scientifique au Caucase, tome I, Paris, 1880, էջ 150, նկ. 160։

որ պատերն ունեն անհավասար շտատութիւն. իրանի ամենալայն մասից ցած պատի հաս-
տոթիւնը հասնում է 1,5 մմ.-ի, իսկ վերին մասում՝ 7 մմ.-ի: Պատրաստված է ձեռքով, լավ
չմաղած կավահողից, պատերի մեջ կան մանր բարեր (լուսանկար N° 4):



Լուսանկար 3



Լուսանկար 4

Նույնատիպ կճուճներ գտնված են Հայաստանի շատ շրջաններում — ժակ դը Մորգանը՝
Սողախլուի N° 104 դամբարանում (կարծում է, որ այն աճյունասփոր է), Երվանդ Հալայանը՝
Հշաղում², 1931 թվականին Կոտայքի շրջանի Նոտնուս գյուղի մոտի դամբարաններից գտնվեցին
նույնանման մի քանի կճուճներ (Պետ. Պատմական թանգարան, գույքամատյան N° 517—518
և այլն): Նույնանման կճուճներ իր պեղած 42-րդ դամբարանից գտել է Բվանովսին:³
Իրական փաստերը ցույց են տալիս, որ կճուճի այս տեսակը լայնորեն տարածված է եղել Հա-
յաստանում և նրա սահմաններից դուրս: Հնարավոր է, որ այս տիպի լայնաբերան կճուճները
օգտագործվել են ոչ միայն ռեֆերիների եփելու համար:

Կավամանների բնորոշ խմբին է պատկանում առաջին դամբարանում գտնված գծագարով
զավր (լուսանկար N° 5). սրա իրանի վերին մասը ծածկված է անկանոն գծերից կազմված սրա-
ծայր եռանկյունիներով: Պահպանված է պտուտակաձև տեսքով մեկ կանթի մի մասը, պատերն
ունեն հավասար հաստութիւն, պատրաստված է լավ մաղած կավահողից: Նույնատիպ զարդա-
րանք ունեցող ամանների, որոնք բնորոշ են մ. թ. ա. 8—7-րդ դարերի համար, հանդիպում ենք
Դուլվինոյում, Արագածի լանջերում, Սևանի ավազանում, Կիրովականում, Կարմիր բլուրում և
շատ այլ վայրերում: Մուխանում գտնված կավամանների խմբում բնորոշներից մեկը կուրդա-
նից հանված լայնաբերան աղաթասանման ամանն է (լուսանկար N° 6, նկ. 1): Կավամանների
այս տեսակը բնորոշ է Հնդկիթի շրջանի համար: Նույն տիպի, բայց ավելի մեծ ամաններ
գտնված են Շրեշ բլուրում, Աղավնատնում, Շնգավիթում (լուսանկ. N° 6, նկ. 2), Քաղսիում,
Էլարում և այլն:

Մեր հետազոտած և պեղած դամբարաններում գտնվել են մեծ մասամբ արդիւղարդի

¹ J. de Morgan, Mission Scientifique au Caucase, etudes archeologiques...
historiques, Paris, 1889, p. 149, նկ. 156:


² Ե. Հալայան, Դամբարանների պեղումները Քորհրդային Հայաստանում, 1931,
Երևան, էջ 143, նկ. 74:

³ А. А. Ивановский — «Материалы по археологии Кавказа», 1911 г., VI, էջ 116:

պարագաներ (բթնդե ապարանջաններ, մատանիներ, ուլունքներ, օղեր և այլն), մեկ հատ հրկաթե դաշույն և նետերի բրոնզե հինգ սլաքներ:

Ապարանջաններն իրենց արտաքին տեսքով բաժանվում են երեք տեսակի: Առաջին տեսակը սովորական անդարդ ձողերից պատրաստած օղեր են. մի մասը՝ փակ շրջաններով, մյուս մասը՝ բաց (տախտակ № 2, նկ. 2 և տախտակ № 3, նկ. № 4 և 5): Երկրորդ տեսակի ապարանջանները, որ մենք անվանում ենք կրկնաձալ, անդարդ են և քիչ տարածված (տախտակ № 2, նկ. № 3 և 4): Երրորդ տեսակի ապարանջաններն ավելի ծանր են, դրսից ունեն ատամնավոր տեսք, սրանց ծայրերն իրար շին հասած (տախտակ № 2, նկ. 1 և տախտակ 3, նկ. 3), իսկ մեկի ծայրերը տափակեցված են և հավանաբար վրան փորագրված է եղել օձի պուխ (տախտակ № 2, նկ. 1):

Տախտակ N-1




Սովորաբար ապարանջանի խմբում են դասվում այն լրիվ կամ ոչ-լրիվ շրջան ունեցող օղերը, որոնք իրականում որպես ապարանջան փոքր են, իսկ որպես մատանի՝ մեծ: Օղերի այս տեսակների վրա երբեմն նկատվում են քանդակներ և, որ կարևոր է, սրանցից մի մասը ավելի ծանր է, քան կրկնակի մեծությոնն ունեցող ապարանջանները: Օղերի այս առանձնահատկությունը հիմք է տալիս կարծելու, որ դրանք առաջին հերթին ծառայել են որպես փոխանակման միջոց և հետո միայն զարդ, այն էլ ոչ որպես ապարանջան: Բրոնզե եղջերուի պարանոցին հաղցրած նմանօրինակ օղեր մենք ունենք Սիսիանի շրջանի Տոլոբս պուլդի մոտ բացված դամբարանից և միջին ու ուշ բրոնզի շրջաններին պատկանող դամբարաններից հանված իրերի խմբում, ինչպես նաև Գոլովինոյում՝ 1950 թվականին մեր կատարած պեղումների ժամանակ (երրորդ դամբարան) և այլ վայրերում հանված իրերի մեջ:

Առաջին դամբարանի իրերի մեջ կա ծարիրե (անտիմոն) ոլորած և մեկ մատանի (տախտակ № 2, նկ. 7): Առաջին հազարամյակի առաջին կեսին պատկանող դամբարաններում համեմատաբար քիչ է պատահում ծարիր, թեև որպես թանկագին մետաղ այն օգտագործման մեջ է եղել նշված ժամանակաշրջանում: Ծարիրն իրեր գտնված են Անդրկովկասում, այդ թվում և Հայաստանի մի քանի վայրերում: Իվանովսկին Գեմաբեկում և հաշնում իր պեղած 28-րդ, 33-րդ և 87-րդ դամբարաններում գտել է ծարիրե տարրեր տեսակի իրեր: 1935 թ. Կ. Ղաֆաղարյանը² Կիրովականի «Դիմացի թաղ» կոչվող վայրում իր կատարած պե-


¹ А. А. Ивановский, МАК VI, էջ 105, 115, և 154:

² Կ. Ղաֆաղարյան, Դամբարանների պեղումները Կիրովականում, Հայկական ՍՍՌ-ի ԳԱ Տեղեկագիր № 3-4, 1941, էջ 63:

Տարրակ N 2



Տարրակ N- 3



զումների ժամանակ № 3 դամբարանից հանեց ծաղիլի մեղալիտներ, որոնց մեկը երևում արված է խաչի նշան (գույքամատյան № 1236/96)։

Մուխանում պեղված դամբարաններում գտնված իրերի մեջ կան շաղախի, ուսրդիոնների մի քանի տեսակներից և ագաթից պատրաստած ուլունքներ։ Մարդիոնից պատրաստված ուլունքների մի մասը ծակված են երկկողմանի, որի հետևանքով անցքերը երկու կողմից ձագարած են, իսկ ագաթները ծածկված են կարծր մետաղե՝ շաղախ կոշվող դործիքի վրա մետաղի ձողն արագ պտտելու միջոցով, որի հետևանքով ուլունքներն ունեն հավասար լայնություն անցքեր։ Սպիտակ շաղախից պատրաստված ուլունքներից շատերի վրա կան ոչ թե մեկ, այլ երկու կողմից անցքեր, որոնք խաչաձևվելով խառնվում են իրար ուլունքների կենտրոնում (լուսանկար № 1, նկ. 8)։

Առաջին դամբարանից հանված իրերի մեջ գտնվող բրոնզե նետերի հինգ սլաքներն և նիզակի ծայրը իրենց ձևերով կրկնություն են մինչև այդ Սևանի ավազանում գտնված սլաքների (տախտակ № 1, նկ. 1—5)։

Հնագիտական պեղումներով հաստատված է, որ Անդրկովկասում, այդ թվում նաև Հայաստանում մեզ հետաքրքրող ժամանակաշրջանում նիզակները եղել են այնքան երկար, որ քարարկղներում չեն տեղավորվել։

Պրոֆեսոր Բ. Բ. Պիոտրովսկու կարծիքով նիզակներն ամբողջական վիճակում չեն դրվել լամբարանների մեջ, այլ քարվելուց հետո, կամ թաղվել են միայն դրանց ծայրերը։ Արվանդ լայնայնի պեղումներից հայտնի են նիզակի ծայրեր, որոնց փայտերը ջարդված են (Պետ. Պատմական թանգարան, գույքամատյան № 20/52—54)։

Նրբորդ դամբարանում գտնված երկաթե դաշույնը որ քաղականաչափ լավ պահպանված է, բնորոշ է երկաթի կուլտուրայի սկզբնական շրջանի համար (տախտակ № 1, նկ. 8)։ Նույնանման դաշույն գտնված է Անիպեղումում (տախտակ № 1, նկ. 7)։ Կա նաև Պետական Պատմական թանգարանում (գույքամատյան № 487 և Լիզդարում՝ (Հյուսիսային Կովկաս) և նույնպես վերագրվում է 7-րդ դարին (մ. թ. ա.)։ Այս դամբարանում գտնվել է նաև բրոնզե նիզակի տերևածե ծայր, որը նույնպես բնորոշ է մ. թ. ա. 8—7-րդ դարերի համար։



Նոր Բայազետում, Մովսիսարում և Վանի ս. Պողոս եկեղեցում գտնված ուրարտական սևագիր արձանագրությունների վկայություններից երևում է², որ Սևանի ավազանում Վելիբյուխի երկիրը՝ այնտեղ բնակվող ցեղերի (ըստ արձանագրությունների՝ թագավորների) միավորման գործում, ինչպես և իր տերիտորիայի ու ռազմական ուժի տեսակետից. առաջնակարգ տեղ է դրավել։

Կոխիներում փորձված և լավ զինված ուրարտական բանակներն իրենց արշավանքների ժամանակ համառ դիմադրության հանդիպեցին բնիկ ցեղերի կողմից։ Վելիբյուխի երկրի նվաճումով նրանց համար զգալիորեն հեշտանում էր մնացած մանր ցեղերի դիմադրությունը բնիկներ և ամբողջ ավազանի նվաճումը։

Այս այս երկրի տերիտորիայում են գտնվել վերևում մեր ցույց տված դամբարանների բոլոր տեսակները։ Պետք է բնորոշել, որ այդ տարածության վրա գտնվող բնակատեղիի ավերակների մնացորդները նույնպես, քարարկղների և կրամլեխների հետ միասին, պատկանած պետք է լինեն միևնույն ցեղերին, իսկ կուրգանները՝ մինչև քարարկղների առաջացումն այստեղ բնակվող տոհմերից որևէ մեկին։

Հնագիտական նյութերը և ուրարտական սևագիր արձանագրությունները վկայում են, որ մեզ հետաքրքրող ժամանակաշրջանում Անդրկովկասում, այդ թվում նաև Հայաստանում առաջացել էր այգեգործությունը։ Կարմիր բլուրում և խանյար քաղաքի մոտերքում հայտնաբերված խաղողի, զեղծի, սալորի, նուշի կորիզները հաստատում են սևագրերում նշված այգեգործության գոյության փաստի մասին։ Դեռ ավելին, Գառնիում կատարված պեղումների ժամանակ էնեոլիթին պատկանող շերտում հայտնաբերված է ծիրանի կորիզ³։

¹ МАК. VIII, 1900 г. стр. 227, табл. XIV. карт. 51.

² Պրոֆ. Գ. Բ. Վ. Մ. Բ. Նոր-Բայազետի արձանագրությունը, Երևան, 1929 Նույն արձանագրության մասին տես Հուշարձանների Պահպանության Կոմիտեի 1929 թվականի № 3 տեղեկագիրը և Ա. Կ. Ի. Կ. Мещанинов-ի „Степа Сардура в Ване сурм. Порос“, Изв. АН СССР, VII сер., 1932, № 2, էջ 162.

³ Բ. Ա. Մ. Բ. Ն. Գառնի, 1932, Երևան, էջ 25.



Հուսամնկար 5

Ինչպես հայտնի է, Սեանի լճի շրջապատի լեռների զգալի մասը մեզ հետաքրքրող ժամանակաշրջանում ծածկված է եղել անտառներով, բայց մեր պեղած առաջին դամբարանից գտնված կաղնի միակ հատիկով առաջին անգամ պարզվում է, որ ցույց տրված անտառներում աճել են նաև կաղնի ծառեր:

Առաջին հազարամյակի առաջին կեսին (մ. թ. ա.) հասարակական ընտանիքը տղամարդու գլխավորությամբ հասարակության մեջ հանդիսանում էր գլխավոր օղակը: Այդ շրջանին պետք է վերագրել ընտանեկան գույգային թաղումները, որ շատ տարածված էին Հայաստանում, այդ թվում նաև Սեանի ավազանում: Ընտանիքում շղթամարդու ունեցած իշխող դիրքը՝ հանդերձալ կյանքի մասին տիրող սխալ պատկերացումը՝ մարդկանց հասցրեց այն սովորության, «...որի համաձայն կինը պետք է իր ամուսնուն ուղեկցեր դեպի դամբարան և նրա հետ թաղվեր»:

Հիմքեր կան կարծելու, որ երրորդ դամբարանը նույնպես ամուսնական դամբարան պետք է լինի, իսկ «դամբարանատիրոջ» հետ թաղվածները այս ընտանիքին պատկանող սաղմազերիներ կամ ստրուկներ: Խմբային թաղումներին պատկանող դամբարաններ շատ կան Հայաստանում և նրա սահմաններից դուրս: Երվանդ Լալայանը Սեանի ավազանում (Ղշաղ, Մրթրի Չոր, Աղեյամաններ, Զաղալու և այլն) կատարած իր պեղումների ժամանակ բացել է խմբային թաղման պատկանող շատ դամբարաններ: Խմբային թաղման դամբարաններ բացվել են նաև Գյումրիի շրջանում՝ 1929 թվականի պեղումների ժամանակ և Գուրմիստում՝ 1950 թվականին, կիրովականում՝ «Դիմացի թաղ» կոչվող վայրում՝ 1925 թվականին:

Այս բոլոր թաղումները կապված են կամ ընտանեկան թաղման և կամ սաղմազերիներին (թերևս ստրուկներին) իրենց տերերի հետ թաղելու սովորության հետ:

Մեր ներկայացրած նյութերի նախնական քննությունը հիմք է տալիս պնդելու, որ վերևում թված դամբարաններն իրենց պարունակությամբ վերաբերում են երկու միմյանցից բաժանահալալի հետո ժամանակաշրջանների՝ կուրգանային բուրգերը և նրանցից գտնված իրերը՝ էնեոլիթին (պղնձե դարին), իսկ բարսիկները (հավանաբար նաև կրումլինները)՝ առաջին հազարամյակի առաջին կեսերին (մ. թ. ա.):

1 Պրոֆ. Բ. Բ. Պիոտովսկի, Հայաստանի պատմության և կուլտուրայի հնագույն էտապները, Տեղեկագիր № 3—4, 1941, էջ 19:

2 Կ. Ղաֆադարյան, Դամբարանների պեղումները կիրովականում, Տեղեկագիր № 3—4, 1941, էջ 59:

Ջարդարանքի խմբում ուղունքները գրավում են ամենաաչքի ընկնող տեղերից մեկը և խրենց դամազանությամբ, պատրաստման և ծակելու տեխնիկայով, հղկման և փայլեցման վարպետությամբ, գույների և քարերի տարբերությամբ մեծ հետաքրքրություն են ներկայացնում: Թեև Հեմմլեյնը գտնում է, որ տվյալների անբավարարության պատճառով բաց է մնում ուղունքների տեղական ծագման հարցը¹, փաստերը, սակայն, ցույց են տալիս, որ Երևանը, Կոտայքը, Իջևանի շրջանը, Սևանի ավազանը և այլն ունեն սերգոլիկների մի քանի տեսակներ, իսկ Իջևանը՝ նաև ագաթ:



Հուսանկար 6

Սկզբի հավանական չէ՞ր լինի, արդյոք, մտածել, որ Հայաստանի նախարանիկները ոպտադործած կլինեն տեղական սերգոլիկները: Դրանով կարելի է բացատրել սերգոլիկն ուղունքների մեծաքանակությունը և դրանց պատրաստման, ծակելու, հղկելու, փայլեցնելու տարբերությունները:

Մեր բերած փաստերից և համեմատություններից երևում է, որ Սևանի ավազանի բրոնզի կուլտուրան, որքան էլ այն կրի տեղական ծագման յուրահատուկ կնիքը, այնուամենայնիվ, փոխադարձ շփման մեջ է գտնվել հարևան շրջանների ժամանակակից կուլտուրաների հետ, ազդել է դրանց վրա և ազդվել դրանցից: Այս նկատվում է դամբարանների կառուցվածքի, իրերի նմանության և պատրաստման տեխնիկայի մեջ:

Այս ամենից հետո մ է, որ Սևանի ավազանի բնիկները մեղ հետաքրքրող ժամանակներում տարբեր միջոցներով կապված են եղել հարևան երկրների բնիկների հետ:

Պրոֆ. Բ. Բ. Պիոտրովսկին նկատում է, որ «Անդրկովկասի 8—6-րդ դարերի (մ. թ. ա.) կուլտուրան, բացի Առաջավոր Ասիայի երկրների հետ սերտ կապ ունենալուց, փոխհարաբերության մեջ է եղել Հյուսիսային Կովկասի սկյութական կուլտուրայի հետ: Հնադիտական նյութը միանգամայն պարզորոշ ցույց է տալիս, որ Անդրկովկասի լեռների վրայով կապ է ունեցել ոչ միայն Հյուսիսային Կովկասի այլև մերձ-դնեպրյան տափաստանների հետ: Կովկասյան լեռները երբեք անջուպետ պատենշ չեն հանդիսացել երկու աշխարհների միջև»²:

Այն փաստը, որ Սևանի լճի շրջակայքը ծածկված է հնագույն ժամանակների պատկանող դամբարանների բոլոր տեսակներով, բնակատեղիների, ամրոցների ու բազաբատեղիների ավերակներով, ուրարտական սեպագրերով և հայկական շրջանին պատկանող հուշարձաններով, ինքնին խոսում է այն մասին, որ Սևանի ավազանը անհիշելի ժամանակներից ի վեր խիտ բնակեցված է եղել: Հենց բնիկների կողմից էլ ստեղծվել են հայտնաբերված ու պահված լամբարանները:

«Որ Գողշայի ավերքը, — ասում է Իվանովսկին, — տեսել են բարեդարյան մարդուն, այդ բանի ապացույց են լճի արևմտյան ավերից (հատկապես Ելենովկա և Օրդարու գյուղերի միջև) գտնված մեծ քանակությամբ օրսիդաբարիից պատրաստած բերիչները և բարե մյուս դործիքները»³:

¹ Г. Г. Леммлейн, Техника сверления каменных бус из раскопок на Кавказе, кр. сообщ., XVIII, 1947, Москва, стр. 30:

² Պրոֆ. Բ. Բ. Պիոտրովսկի, նույն աշխատության 22-րդ էջ:

³ А. А. Ивановский, МАК, VI, 1911, էջ 16:


Հետազոտ անցյալում Սևանի ավազանի խիտ բնակեցված լինելը հիշք է տալիս մտանկու, որ այստեղ հնում եղել են մարդու նյութական միջոցները հայթայթելու պայմաններ, իսկ դա իր հերթին սերոտորեն կապված է ավազանի աշխարհագրական դիրքի հետ, դրա չոչապատի գրեթե անմատչելի լեռների և հնում դրանցից շատերի վրա եղած անանցանելի խիտ անտառների, կենտրոնական ձանապարհներից ունեցած հետազոտության (որի հետևանքով և հարձակման ավելի քիչ սպառնալիքի), ձկնեղեն առատ սննդի, որսի մսի և վերջապես կրկրի ծայրամասում գտնվելու փաստերի հետ:

Անտարակույս այս բոլոր պայմանները միասին վերցրած դրականորեն են ազդել Սևանի ավազանի բնիկների տնտեսության ու կուլտուրայի զարգացման վրա: Խիտ բնակությամբ պետք է բացատրել վերևում նշված մեծ թվով հուշարձանների, բոլոր ժամանակներին պատկանող դամբարանների և դամբարանային նյութերի առատությունը:

Մեր ներկայացրած նյութերի հետ կապված կարևոր երևույթներից մեկն էլ լճի տատանումների հարցն է, որի առթիվ օգտակար ենք համարում մի համառոտ ակնարկ անել:

Ինչուս անցյալ դարի առաջին կեսից Սևանի ավազանն արժանացավ տարբեր բնադավառներում աշխատող գիտնականների ուշադրությանը:

1896 թվականին պրոֆ. Անուշինն իր մի հոդվածում, որ լույս տեսավ «Землеведение» 2-րդ գրքի հավելվածում, լճի առաջացումը կապում է ստորերկրյա պրոցեսների հետևանքով դոյացած խորխորատների հետ, բնդգծելով հատկապես հրաբուխների մեծ դերը լճի առաջացման գործում: Վ. Լ. Սրբուչևը և Մ. Ֆ. Միտտեն լճի առաջացումը կապում են հանգած հրաբուխների խառնարանի հետ. վերջինս գտնում է, որ



Հուսանկար 7

սփռված լիճը հավանաբար հանդիսանում է երկրաշարժերի հետ հարակցված հրաբխային գործունեության հետևանք: Հանգած հրաբխային խառնարանում առաջացած ահռելի խորությունը հետզհետե լցվել է շրջակայքի սարերից հոսող մթնոլորտային տեղումների ջրերից, որը որոշել է այդ լճի ջրի տատանումների սահմանը¹ (բնդգծումն իմն է — Շ. Մ):

Հետազոտողներից պրոֆ. Ս. Սիվերսը գտնում է, որ Սևանի լճի առաջացումը նոր հրաբխային պրոցեսների շնորհիվ գետերի հունների փակման հետևանք է:

Բայց, ներկա դեպքում, մեզ հետաքրքրողը՝ լճի բազմադարյան տատանումների հետ կապված տեսականներն են ու դրանց դեմ խոսող վերևում մեր ներկայացրած նյութերը:

¹ М. Ф. Митте, Бассейн Токчинского озера, Горный журнал, 1891, стр. 358

Որքան մեզ հասնի է, Սևանի լճի տատանումների վերաբերյալ մինչև այժմ պոթություն ունեցող կարծիքների մեջ միատեսակություն չկա: Հետազոտողներից շատերը լճի տատանումները կապում են արտաքին պրոցեսների և ներքին երևույթների հետ: Խոսվում է ստորջրյա աղբյուրների և անցքերի գոյության մասին, այն մասին, որ վերջիններս լճի մեջ գոյացող նստվածքների հետևանքով փակվում են կամ գործում և որ զախրը ազդում է Սևանի ջրի մակարդակի հորիզոնական տատանումների վրա: Այլ հեղինակներ տատանումները կապել են Սևանի մեջ թափվող գետերի կամ տեկտոնական պրոցեսների գործունեության հետ, ավելի անտառագրկման և բամբակների ազդեցությունների հետ: Հետազոտողների մեծ մասը լճի մակարդակի տատանումները կապում է մթնոլորտային տեղումների հետ:

Այդ տեսակետից ուշագրավ են Բ. Ի. Բեկ-Մարմարչևի¹ 1951 թվականին հրատարակած երկու նոր ուսումնասիրությունները: Այս աշխատությունների մեջ հեղինակը քննության է առնում ինչպես ինքն է ասում, 133 տարիների ընթացքում Սևանի լճի տատանումների հետ կապված հետազոտությունները, դրանց վրա ավելացնում է իր ղեկավարությամբ կատարված երկու արշավախմբերի հետազոտությունների, նյութերը և այս բոլորի հիման վրա հանգում է համապատասխան եզրակացությունների:

Լճի մակարդակի տատանումները միջին հաշվով ընդունվում են երեք մետրի սահմաններում: Բեկ-Մարմարչևը նշում է, որ հարյուրավոր տարիների ընթացքում Սևանի լճի մակերևույթի «...տատանման ամպլիտուդը գտնվում է երեք մետրի սահմաններում»:

Համաձայնելով նախապես հայտնված այն կարծիքներին, որ լճի տատանումները կապված են տեղումների հետ, Բեկ-Մարմարչևը գտնում է, որ «...լճի մակարդակի տատանումների հիմնական պատճառը նրա ավազանի կլիմայական տատանումներն են»:

Հեղինակը պնդում է, որ «վերջին դարերի և նույնիսկ հազարամյակների ընթացքում լճի ափերն ըստ երևույթին չեն ենթարկվել ուղղահայաց խոշոր փոփոխությունների, որոնք կարողանային ջրի հորիզոնական մակարդակի վրա ազդել»²: Քննարկելով նաև հնագիտական նշարձանները և դրանց վայրերը, նա անում է իր վերջնական եզրակացությունը. «Հետևապես,— ասում է Բեկ-Մարմարչևը,— սրանից 2500—3000 տարի առաջ լճի մակերեսը գտնվում էր մոտավորապես նույն այն մակարդակի վրա, ինչպիսին ներկայումս է»:

Այսպիսով, Բեկ-Մարմարչևը հետևողականորեն զարգացնում է այն տեսակետը, որ Սևանի լճի տատանումները կապված են մթնոլորտային տեղումների հետ, իսկ տատանումների սահմանը միջին հաշվով կազմում է երեք մետր: Միաժամանակ նա գտնում է, որ լճի ջուրը վերջին 2500—3000 տարիների ընթացքում գտնվել է միևնույն մակարդակի վրա:

Բայց հնագիտական այն նոր նյութերը, որ ձևեր են բերված Սևանի լճի ցամաքած տարածությունում, մի բանի հազար տարի շարունակ գտնվել են ոչ թե երեք, այլ 6—8 մետր խորության մեջ և հենց այս անմիտելի փաստն ինքնին վկայում է, որ լճի տատանումների մասին այդ տեսությունները կարիք ունեն հետազա ստուգման և ճշտման:

Պետք է ենթադրել, որ դարերի ընթացքում Սևանի մակարդակը որոշ պատճառներով անընդհատ բարձրացել է:

Նկատի ունենալով հնագիտական նորագույն տվյալները, պետք է եզրակացնել, որ Հրազդան գետի ակունքները հնում եղել են շատ ցածր, իսկ հետագա դարերի ընթացքում լցվել են բերովի ավազի հաստ շերտերով: Հետևապես լիճը նույնպես եղել է ցած ու նրա ջրային հայելին ավելի փոքր: Այդ անվիճելիորեն հաստատվում է ցամաքած տարածության վրա գոյություն ունեցող էնեոլիթյան, առաջին հազարամյակի առաջին կեսերին (մ. թ. ա.) և հայկական միջնադարյան շրջանին վերաբերող դամբարանների ու գերեզմանների պոյության փաստերով:

Նյութական կուլտուրայի՝ վերևում քննարկված տվյալներից հետևում է, որ հազարամյակներ առաջ մեր ուսումնասիրած դամբարանադաշտի տեղը եղել է ցամաք և լճի եզերքից հեռու, իսկ լիճը եղել է ավելի փոքր:

Այս տարածության վրա գտնվող երեք հիմնական խմբերի պատկանող դամբարանների

¹ См. А. А. Ивановский, МАК, VI, 1911, стр. 9—10. Б. И. Бек-Мармарчев, Причины колебаний уровня озера Севан, Изв. АН Арм. ССР, физ.-мат., том IV, № 3, 1951, стр. 191—193.

² Б. И. Бек-Мармарчев, Многолетняя кривая колебаний уровня озера Севан, Изв. АН Арм. ССР, физ.-мат., том IV, № 1, стр. 69.

³ Բ. Ի. Բեկ-Մարմարչև, Տեղեկագիր № 3, էջ 200:

⁴ Նույն հեղինակ, Տեղեկագիր № 1, էջ 53:

⁵ Բեկ-Մարմարչև, Տեղեկագիր № 1, էջ 68:

դոյությամբ պարզվում են նաև լճի եզերքներում տարբեր ժամանակներում ապրած, իսկ այժմ չրացած տոհմերի, հետադադում նաև ցեղերի կենցաղի ու թագման սովորությունների հետ կապված մի քանի առանձնահատկությունները, ինչպես նաև այդ ցեղերի նստակեցությունը հաստատող փաստերը:

Դամբարանադաշտի մոտ գտնվող, դարձյալ չրի տակից դուրս եկած քնակատեղի ավերակների մնացորդներն ինքնին խոսում են այն մասին, որ դրանք պատկանելիս են եղել այն ցեղերին, որոնք ստեղծել են դամբարանների առաջին և երկրորդ խմբերը:

Հետազոտեն կարելի է ենթադրել, որ առաջիկա հնագիտական հետազոտությունները և պեղումները լրացուցիչ նոր նյութեր կտան լճի հետ կապված բազմաթիվ հարցեր նոր ձևով լուսարանելու համար:

Р е з ю м е

В октябре 1951 года были произведены раскопки вновь открытого могильного поля на осушенном пространстве озера Севан, недалеко от с. Мухан, Нор Баязетского района.

Первая группа могильных памятников относится к системе каменных ящиков, вторую группу составляют кромлехи, а третью группу—курганы.

Недалеко от этого могильника, также на осушенном пространстве, видны остатки развалин поселения, которые современны первой группе могил, т. е. каменным ящикам. Следовательно, каменно-ящичные могильники принадлежали жителям этого поселения.

Обнаруженный в каменноящичных могильниках железный кинжал характерен для раннего железного века.

По свидетельству урартских клинообразных надписей, найденных в Нор Баязете, Цовинаре и в церкви св. Павла в Ване, доказано, что в давние времена в бассейне оз. Севан, в районе Нор Баязета, находилась страна Великухи—одна из наиболее крупных стран этого района. Раскопанные могилы относятся к одному из племен, населявших страну Великухи.

На основании рассматриваемых материалов, а также устройства могил, можно сделать вывод, что открытые здесь и относящиеся к трем различным группам могилы возникли в результате длительной оседлости коренных жителей и принадлежат к разным периодам. К первой половине первого тысячелетия д. н. э. относятся каменные ящики (вероятно также и кромлехи), а курганы—к энеолиту.

Вопреки господствующему до сего времени мнению можно предположить, что значительная часть раскопанных здесь сердоликовых бус имеет местное происхождение и изготовлена из местного сырья.

Бронзовая культура Севанского бассейна носила определенную печать местного происхождения и находилась во взаимном соприкосновении с современной культурой соседних районов.

Открытые на осушенном пространстве оз. Севан могильники с хорошо датированным археологическим материалом показывают, что исследованные археологические памятники веками находились под водой. Отсюда вытекает, что уровень воды озера в течение нескольких тысяч лет не стоял на одной и той же высоте, а находился в состоянии небольших колебаний в пределах нескольких метров.